
ЖАҲОН БАНКИ МИССИЯСИ ФАРҒОНАДА

Маълумки Жаҳон банки билан ҳамкорлик, унинг маблағларини мамлакат иқтисодиёти соҳаларига киритилиши ижобий натижалар бермоқда. Биргина Фарғона вилоятига ўтган 3 йил давомида Жаҳон банкининг 65,5 миллион доллар, жумладан, 2019 йилнинг ўзидагина 20 миллион доллар сармояси асосида ўнлаб лойиҳалар амалга оширилди.

Бугун 14 декабрь куни Жаҳон банкининг Департамент бошлиғи Сандин Махаджон бошчилигидаги миссияси аъзолари Фарғона вилоятига ташриф буюрди. Уларни вилоят ҳокимининг ўринбосари Акмал Пўлатов қабул қилди ва 2020 йил лойиҳаларини молиялаштириш масалаларини муҳокама қилдилар.

Акмал Пўлатов Жаҳон банкининг Фарғона вилоятидаги чорвачилик, мевани қайта ишлаш, иссиқхоналар тармоғини ривожлантириш каби йўналишлардаги лойиҳалари муваффақиятли амалга ошаётгани ҳақида ахборот берди.

Жаноб Сандин Махаджон Жаҳон банки бундан буён ҳам ҳамкорликни давом эттиришга тайёрлигини изҳор этди.

Бугун куннинг иккинчи ярмида Жаҳон банки миссияси аъзолари лойиҳалар ижроси бўйича ҳудудларга бориб танишадилар.

Фарғона вилояти ҳокимлиги Ахборот хизмати.

2019-12-14 12:27:59